

## Script Of Evening Gojri News Bulletin 05 July 2024 at 1700 Hrs

ایوننگ گو جری نیوز بلیٹن مورخہ 05 جولائی 2024

\*\*\*\*\*

یوہ آکاشوانی جموں بے محمد آصف لودھی تے محمد سفیر تیں خبر سنو۔ پہلاں خاص  
خاص خبر۔

\*\*\*\*\*

\*1۔ بھارت نے سال 24/2023 مانہ تیار کر دہ دفاعی آلات غی قدر مانہ ہن توڑی سب تیں  
متی ترقی حاصل کی ہے۔ وزیر اعظم نریندر مو دی نے اس دفاعی ترقی ور ملک غی تعریف  
کی ہے۔

\*2۔ وزیر اعظم نریندر مو دی نے اولمپکس واسطے پیرس جان آلا بھارتی دستاں نال گل بات  
کی۔

\*3۔ مرکز یوزیر صحت جے پی نڈا نے کہیو ہے جے بھارت نے عالمی اوسط تیں متی تیز  
رفتار سنگ ماں تے بچاں غی بقا نانہ بہتر بنان مانہ زبردست کامیابی حاصل کی ہے۔

\*4۔ ضلع ترقیاتی کمشنر رام بن بصیر الحق چودھری نے گذشتہ کل بلاک کھڑی مانہ  
خواہشمند بلاک پروگرام یعنی ایسپریشنل بلاک پروگرام غے تحت سمپورنٹا مہم غو آغاز کیو۔

\*\*\*\*\*

خبران غی تفصیل نال پہلاں محمد آصف لودھی۔

### Rajnath Defecne

بھارت نے سال 24/2023 مانہ دفاعی آلات بنان مانہ ہن تک سب تیں متی ترقی کی ہے۔  
ان آلات غی پیداوار غی قیمت مذکورہ سال غے دوران تقریباً 1 لکھ 27 ہزار کروڑ روپیہ تک  
پُچ گئی ہے۔ جہیڑی کہ گذشتہ سال غا مقابلہ مانہ 16 عشاریہ 8 فیصد متی ہے وزیر دفاع  
راجناتھ سنگھ نے سوشل میڈیا پوسٹ غے ذریعے اظہار کہیو ہے وزیر اعظم نریندر مو دی  
غی سربراہی مانہ ”میک ان انڈیا“ پروگرام ترقی غی نویں نویں منزل تہہ کر رہیو ہے۔ اس  
سلسلہ مانہ وزیر دفاع نے متعلقہ صنعت جن مانہ دفاعی پبلک سیکٹر انڈر ٹیکننگ تے  
پرائیوٹ وی شامل ہیں نانہ مبارکباد پیش کی ہے۔ انہاں نے کہیو ہے سرکار بھارت نانہ  
سرکردہ عالمی دفاعی آلات بنان آلا ملک غا طور ور ترقی دین واسطے وعدہ بند ہے۔

\*\*\*\*\*

### PM Defene

وزیر اعظم نریندر مو دی نے سال 24/2023 مانہ دفاعی آلات بنان مانہ ہن تک سب تیں  
متی ترقی غا سلسلہ مانہ ملک غی ستائش کی ہے۔ وزیر اعظم نے سوشل میڈیا پوسٹ مانہ  
اس نانہ ترقی غی حوصلہ افزائی غے برابر قرار دتو اور کہیو ہے اس کم مانہ اپنو کردار  
ادا کرن آلا تمام لوکاں غی کوشش قابل ستائش ہیں۔ انہاں نے کہیو ہے سرکار ملک نانہ  
دفاعی آلات پیدا کرن آلو عالمی مرکز بنان واسطے وعدہ بند ہے اور اس نال ملک غی  
سلامتی مانہ استحکام تے خود انحصاری نانہ مضبوطی لبھے گی۔

\*\*\*\*\*

### PM Olympics

وزیر اعظم نریندر مو دی نے پیرس مانہ منعقد ہون آلا الیمپکس کھیٹ مقابلان مانہ حصول  
آلا بھارتی دستہ غا سربراہان نال گل بات کی ہے۔ اس سلسلہ مانہ وزیر اعظم نے امید ظاہر  
کی ہے کہ بھارتی کھلاڑی بہتر کارکردگی دس غے ملک غو سر اچو کریں گا۔ ان نے کہیو  
جے الیمپکس کھیٹ چھڑی جتن توڑی محدود نہیں ہے بلکہ اس نال متو گجھ سیکھن غو

موقعو وی مل سکے۔ اُن نے کہیو جے تمام تر شکایات نانہہ پا سے رکھ غے جتن آلے پاسے دھیان دین غی لوڑ ہے۔ باربار سیکھن غی کوشش غو ذکر کرتاں واں جناب مو دی نے کہیو جے اس غے نال نال کھلاڑیاں نانہہ سکون آلی نیند غے ذریعے اپنا آپ نانہہ آرام دینو وی ضروری ہے۔ اُن نے کہیو جے اس وری بھارت غا کھلاڑی ماضی غا ریکارڈ نانہہ توڑ غے اک نویں پشان قائم کریں گا۔ اُن نے کھلاڑیاں غی محنت غی تعریف کرتاں واں کہیو جے اس وری وے مُلک غی بہتری واسطے کجھ چنگو کم کریں گا۔ اس موقع ورتاں واں وزیر اعظم نے یوہ وی یقین دوايو ہے جے بھارت سن 2036 توڑی بھارت ہی ماتہہ المپکس کھیڈ مقابلہ منعقد کران غی خاطر ترقیاتی ڈھانچہ غی تعمیر با رے جی توڑ کوشش کر رہیو ہے۔

\*\*\*\*\*

### Modi Keir Stamer

وزیر اعظم نریندر مو دی نے برطانیہ غا عام چناواں ماتہہ کیر سٹارمر نانہہ اُن غی کامیابی ورتاں رکباد کہی ہے۔ اس سلسلہ ماتہہ وزیر اعظم نے کہیو ہے جے جناب سٹارمر اپنا مثبت تعمیری تعاون نال بھارت تے برطانیہ غی شراکت داری با رے حکمت عملی ماتہہ متو مضبوط کرن ماتہہ لگن نال کم کریں گا۔ واضع رہ جے جناب مو دی نے برطانیہ غا سابق وزیر اعظم ریشی سونک نانہہ اپنی دور اقتدار ماتہہ بھارت تے برطانیہ بشکار آپسی تعاون برقرار رکھن غی خاطر سرگرم رہن ورتاں خوشی ظاہر کی ہے۔

\*\*\*\*\*

### NEET PG Exam

انڈر گریجویٹ نیٹ داخلی امتحان سال 2024 آئندہ مہینہ غی 11 تا ریخ ماتہہ سویرے تے شام 2 شفٹاں ماتہہ لیو جا ئے گو۔ اس با رے قومی بورڈ برائے امتحانات میڈیکل سائنس نے اج دوبا رہ امتحانی گوشوارہ غو اعلان کیو ہے۔ یا درہ جے مذکورہ امتحان گذشنہ مہینہ ماتہہ تہہ شدہ تا ریخ تیں اک دن پہلاں ہی ملتوی کر دتو تھو۔ یوہ قدم کجھ تقابلی امتحانات ماتہہ لایا گیا الزامات غے پیش نظر چایو گیو تھو۔

\*\*\*\*\*

### ONGC MC Yatra

تیل تے قدرتی گیس با رے کمیشن نے امرناتھ یا ترا غا بنیا دی کیمپ چندن واڑی ماتہہ 100 بستراں آلو ایکن ہسپتال قائم کیو ہے۔ واضع رہ جے اس ہسپتال غی مدد نال یا تریاں نانہہ بہتر طبی خدمات مہیا کرائی جا سکیں گی۔ یا درہ جے اس تیں پہلاں ہر سال یا تریاں نانہہ عارضی طبی امداد مہیا کرائی جا ئیں تھیں۔ ذریعہاں نے دسیو ہے جے یوہ ہسپتال یا تریاں غی سہولیات واسطے لگاتار کم کرتو رہ گو۔ پیش ہے اس سلسلہ ماتہہ مدثر امین غی یا ہ رپورٹ... با نٹ..

\*\*\*\*\*

### Parkash Utsav Ramban

ضلع رام بن غا بتوت ماتہہ اج شری ہر گو بندی سنگھ غو 4 سو 29 واں پرکاش اُتسو بڑا جوش و خروش سنگ منایو گیو۔ یا درہ جے یوہ تہاڑو 6 واں سکھ گورو شری ہر گو بند سنگھ جی غا جنم تہاڑا غا طور ورتاں منایو جائے۔ اس موقع ورتاں راگی جتھاں نے شبدھ کیرتن پیش کیا اور سکھ اسکالراں نے ہر گو بند جی غی حیات تعلیم تے سماجی خدمات ورتاں تفصیلاً بیانات پیش کیا۔ اس سلسلہ ماتہہ ڈسٹریکٹ گردوارہ پر بندھک کمیٹی رام بن غا ممیر سردار جنک سنگھ نے اس طرح کہیو... با نٹ..

\*\*\*\*\*

یہ خبر تم آکا شوانی جموں تیں سن رہیا ہیں خبراں غا باقی حصہ نال محمد سفیر۔

### Nadda Ganeva Meet

صحت تے خاندانی بہبود غا مرکزی وزیر جگت پرکاش نڈا نے کہیو ہے کہ بھارت نے ماں تے بچہ نانہ بہتر صحت سہولیات مہیا کران غی خاطر بہتر کا رکردگی غو مظاہرو کیو ہے۔ جنیوا مانہ نوزاند بچاں غی صحت بارے بورڈ یعنی (پی ایم این سی ایچ) غی منعقدہ اک میٹنگ مانہ ویڈیو کا نفرنسنگ غے ذریعے شمولیت غے دوران وزیر موصوف نے بچاں تے کالسریاں غی بہتر صحت خدمات با رے بورڈ غی طرفوں چایا گیا اقدام غی مچ تعریف کی ہے۔ اُن نے کہیو ہے بھارت متا سالان توں عالمی سطح ور صحت سہولیات بہتر بنان با رے کوشش کر رہیو ہے۔ اُن نے یوہ وی کہیو ہے بھارت کا لسریاں تے بچاں غی حفاظت نانہ یقینی بنان غو دل غی ڈنگایاں نال وعدہ بند ہے۔ اس موقع ور بولتاں واں جناب نڈا نے یقین دواویو ہے جے بھارت ماں، نوزاند اور بچاں غی صحت با رے شراکت داری (پی ایم این سی ایچ) بورڈ نانہ ہر قسم غی مالی امداد دین غو وعدہ بند ہے۔

\*\*\*\*\*

### Apurva AIIMS Visit

صحت تے خاندانی بہلائی بہتری با رے محکمہ غا مرکزی سیکریٹری آپوروا چندرا نے جا تے تہاڑے جموں مانہ قائم ایمر ہسپتال غو دورو لا غے بکھ بکھ شعباں گا کم کاج غو جائزو لین غے نال نال متی ساری سہولیات مہیا کران با رے کم غو افتتاح کیو۔ اس موقع ور پردھان منتری سواستہ سرکشا بوجنا غی جوائنٹ سیکریٹری انکیتا بو نیڈلا تے صحت تے خاندانی بہلائی بہتری با رے جوائنٹ سیکریٹری وجے کمار سینا نے اکیڈمک بلاک، مرکزی لائبریری تے لیکچر حال غو مانیو کیو۔ اس موقع ور سیکریٹری موصوف نے مریضاں غا نایاں غو اندراج کرن آلی تھان ور دستیاب سہولیات غو وی جائزو لیو۔ بعد مانہ مرکزی سیکریٹری نے بکھ بکھ مرضاں غو پتو لان غی خاطر لیب غو وی افتتاح کیو۔

\*\*\*\*\*

### Sampoornata Abhiyaan

خطہ مانہ پا نیدار ترقی نانہ یقینی بنان غی خاطر رام بن غی ضلع انتظامیہ نے ڈپٹی کمشنر بصیر الحق چودھری غی نگرانی مانہ جا تے تہاڑے سمپورنتا مہم غی شروعات کی ہے۔ واضع رہ جے اس مہم غے تحت ضلع غا کھڑی بلاک نانہ جُنیو گیو ہے۔ اس مہم غو مقصد خطہ مانہ تیز تر ترقی نانہ یقینی بنانو ہے۔ اس مہم غی افتتاحی تقریب غا موقع ور رامبن غی ڈی ڈی سی چیرپرسن ڈاکٹر شمشاد شان، ضلع ترقیاتی کمشنر بصیر الحق چودھری تے سائنسدان جگدیش کمار وی اُت موجو دتھا۔ اس موقع ور بولتاں واں رام بن غی ضلع ترقیات کونسل غی چیرپرسن ڈاکٹر شمشاد شان نے کہیو ہے اس مہم غی شروعات نال شہریاں نانہ بہتر خدمات مہیا ہو سکیں گی۔ اُن نے تمام شراکت داراں تے محکماجات ور زور دتو ہے کہ وے سانجھا طور ور رل مل غے کم کریں تا نجے ترقی نانہ یقینی بناویو جا سکے۔ اس موقع ور ڈی ڈی سی موصوف نے کہیو ہے کہیو جے تعلیم اک ایسی کُنجی ہے جس غی مدد نال کالسری تے لڑکی اپنا مستقبل نانہ بہتر بنا سکیں۔ اُن نے کہیو ہے ہم ساراں نانہ اس ویلے کا لسریاں نانہ تعلیم دے غے اپنا پیراں ور کھلو کرن غی لوڑ ہے۔ تا نجے مہارو سماج ترقی کر سکے۔ اس موقع ور نیتی آیوگ غا سائنسدان جگدیش کمار نے تفصیل نال گل کرتاں واں دسیو جے یوہ پروگرام 2023 مانہ وزیر اعظم نریندرمو دی غی طرفوں شروع کیو گیو تھو جس غو مقصد صحت، تعلیم، ذراعت، پین غا پانی سمیت دوجی سہولیات لوکاں غا بوباں توڑی

پجانو ہے۔ واضع رہ جے نیتی آيوگ نے سمپورنتا پروگرام نانہ 4 جولائی تیں شروع کيو ہے  
جھڑو 30 ستمبر توڑی جاری رہ گو۔

\*\*\*\*\*

### Ashwani Vaishnav Railways

ریلوے غا مرکزی وزیر اشونی ویشنوو نے اظہار کيو ہے جے بھارتی ریلوے اس سال  
2 ہزار 5 سو ریل غا نواں ڈبہ تیار کر رہی ہے اور اس تیں مزید 10 ہزار ہور جنرل ڈبہ تیار  
کیا جائیں گا۔ بھارتی ریلوے غا گتی شکتی ویشو ویدیالیہ تے معروف تجا رتی طیا رہ ساز  
کمپنی ائر بس غے مابین مفاہمت نامہ ور دستخط کرن غا موقع ور وزیر موصوف نے کہیو  
جے مالی طور ور کمزور طبقات تے درمیانہ طبقہ سرکار غی اولین ترجیحات ہیں۔ اور کہیو  
جے گذشتہ سال وزیر اعظم نے ان ہی طبقات نانہ مد نظر رکھتاں وان 2 امرت بھارت ریل  
گڈیاں نانہ جھنڈی دس غے روانہ کيو تھو۔ اور رواں گرمی گا موسم مانہ پہاری مانگ نانہ  
پوراں کرن غا سلسلہ مانہ 10 ہزار خصوصی ریل گڈیاں چل رہی ہیں۔ انہاں نے یوہ وی اظہار  
ر کيو جے 50 مزید امرت بھارت ریل گڈیاں غو کم شروع کيو گیو ہے اور ریلوے مانہ جدید  
آلا کو وچ غو کم وی تیزی سنگ کيو جارہیو ہے۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔